

## **«Ўзбекинвест» ЭИСК» АЖ акциядорларининг йиллик умумий йиғилишининг**

## **2023 йил «20» июндаги баёни билан**

«ТАСДИКЛАГАН»



# «ЎЗБЕКИНВЕСТ» ЭКСПОРТ-ИМПОРТ СУГУРТА КОМПАНИЯСИ» АКЦИЯДОРЛИК ЖАМИЯТИНИНГ УСТАВИ

2023 йил

# **«Ўзбекинвест» экспорт-импорт сұғурта компанияси» акциядорлик жамиятининг УСТАВИ**

## **1-бөб. Үмумий қоидалар**

1.1. «Ўзбекинвест» экспорт-импорт сұғурта компанияси» акциядорлик жамияти (кейинчалик матнда Жамият деб юритилади) Ўзбекистон Республикаси Вазирлар Маҳкамасининг «Ўзбекинвест» экспорт-импорт миллий сұғурта компаниясининг фаолиятини янада тақомиллаштириш чора-тадбирлари түғрисида» 2020 йил 30 январдаги 46-сон қарорига мувофиқ «Ўзбекинвест» экспорт-импорт миллий сұғурта компанияси этиб қайта ташкил қилинди.

1.2. Жамият ўз фаолиятини Ўзбекистон Республикасининг Фуқаролик кодекси, “Акциядорлик жамиятлари ва акциядорларнинг хуқуқтарини ҳимоя қилиш түғрисида”, “Сұғурта фаолияти түғрисида” қонунлар ҳамда бошқа қонун ва мөйөрий-хуқуқий хужжатларга, шунингдек мазкур Уставга мувофиқ олиб боради.

1.3. Жамият «Ўзбекинвест» экспорт-импорт миллий сұғурта компаниясининг барча мулкий ва номулкий хуқуқлари ҳамда мажбуриятлари бўйича хуқуқий вориси хисобланади.

1.4. Жамиятнинг ўзбек тили лотин алифбосидаги фирма номи:

тўлиқ: «“Ўзбекинвест» экспорт-импорт сұғурта компанияси» акциядорлик жамияти  
қисқартирилган: «Ўзбекинвест» EISK» AJ

Жамиятнинг ўзбек тили кирилл алифбосидаги фирма номи:

тўлиқ: «“Ўзбекинвест» экспорт-импорт сұғурта компанияси» акциядорлик жамияти  
қисқартирилган: “Ўзбекинвест” ЭИСК» АЖ

Жамиятнинг рус тилидаги фирма номи:

тўлиқ: Акционерное общество «Компания экспортно-импортного страхования  
«Узбекинвест»  
қисқартирилган: АО «КЭИС «Узбекинвест»

Жамиятнинг инглиз тилидаги фирма номи:

тўлиқ: «Uzbekinvest» Export-Import Insurance Company» Joint-Stock Company  
қисқартирилган: «Uzbekinvest» EIIC» JSC

1.5. Жамият чекланмаган муддатга ташкил этилган.

1.6. Жамиятнинг жойлашган жойи (почта манзили): Ўзбекистон Республикаси, Тошкент ш., 100097, Чилонзор тумани, Чўпон ота кўчаси, «Ц» квартали.

1.7. Жамиятнинг электрон почта манзили: office@uzbekinvest.uz

1.8. Жамиятнинг расмий веб-сайти: [www.uzbekinvest.uz](http://www.uzbekinvest.uz), [www.insurance.uz](http://www.insurance.uz).

## **2-боб. Жамият фаолиятнинг мақсади, вазифалари ва предмети**

2.1. Жамият фаолиятининг асосий йўналиши сұғурта бозорининг професионал иштирокчиси сифатида жисмоний ва юридик шахсларга сұғурта хизматларини тақдим этиш хисобланади. Жамиятнинг асосий мақсади сифатли сұғурта хизматларини кўрсатиш, шунингдек фойда олишdir.

2.2. Жамиятнинг асосий вазифалари ва фаолияти йўналишлари сифатида қўйидагилар белгиланган:

экспортни сұғурта билан қўллаб-қувватлаш бўйича комплекс хизматларни, шу жумладан харидорнинг кредити, қисқа муддатли дебиторлик қарзи, етказиб берувчининг кредити, тасдиқланган аккредитив, экспортчининг айланма маблағларини тўлдириш учун берилган кредит, экспорт факторингини ва экспортни сұғурта билан қўллаб-қувватлашнинг бошқа инструментларини тақдим этиш;

хорижий ва маҳаллий инвесторлар томонидан Ўзбекистон Республикаси иқтисодиётига киритиладиган тўғридан-тўғри ва портфель инвестицияларнинг комплекс сұғурта ҳимоясини таъминлаш;

Ўзбекистон Республикасининг сұғурта фаолияти тўғрисидаги қонунчилигига мувофиқ бошқа сұғурталаш турларини амалга ошириш;

хорижий мамлакатларнинг экспорт-кредит агентликлари, сұғурта ва қайта сұғурта компаниялари билан тижорат ва сиёсий хатарларни сұғурталаш бўйича ҳамкорлик ўрнатиш;

халқаро, хорижий ва маҳаллий сұғурта ташкилотлари билан ҳамкорликни ривожлантириш, биргаликда сұғурта ва қайта сұғурта операцияларини амалга ошириш;

сұғурта фаолияти тўғрисидаги қонун хужжатларига мувофиқ умумий сұғурта соҳасида ихтиёрий ва мажбурий сұғурта турларини амалга ошириш;

Ўзбекистон Республикасида ва унинг ташқарисида инвестиция фаолиятини қонун хужжатларига мувофиқ юқори ёки барқарор фойда кафолатланган соҳаларда амалга ошириш, молиявий операциялар ўтказиш;

янги инновацион сұғурта маҳсулотларини, замонавий ахборот технологияларидан фойдаланган ҳолда сұғурта хизматларини тақдим этишнинг янги каналларини яратиш орқали сұғурта фаолиятини кенгайтириш;

халқаро, хорижий, маҳаллий давлат ва хусусий сұғурта ташкилотлари билан тўғридан-тўғри ҳамкорликни ривожлантириш, биргаликда сұғурта фаолияти ва қайта сұғурталаш операцияларини амалга ошириш;

сұғурта шартномалари бўйича қабул қилинган мажбуриятларни бажариш ва қўшимча даромад олиш мақсадида Жамият томонидан ташкил этилган сұғурта захира фондларини ва Жамиятнинг бошқа фондларини жойлаштириш орқали инвестиция фаолиятини амалга ошириш.

2.3. Жамият фаолиятининг предмети (асосий тури) бўлиб сұғурта фаолияти (сұғурталаш ва қайта сұғурталаш), инвестиция фаолияти, қимматли қоғозлар бозорида инвестиция воситачиси сифатида фаолият юритиш, сұғурта (қайта сұғурталаш) соҳасидаги мутахассисларнинг малакасини ошириш билан боғлиқ фаолият, шунингдек сұғурта агенти сифатида сұғурта воситачилиги хисобланади.

2.4. Жамият устав мақсадлари ва вазифаларига эришиш учун, ўз фаолиятининг предмети доирасида қуидаги ҳаракатларни (функцияларни) амалга ошириш ҳукуқига эга:

Жамият суғурта хизматларини сотиши, суғурта билан боғлиқ хизматларни тақдим этиши ва олиши (шу жумладан, суғурта хатарини, зарарни баҳолаш, зиёнларни ҳал қилиш ва бошқалар) мақсадида маҳаллий ва хорижий юридик шахслар, якка тадбиркорлар ва жисмоний шахслар билан мулкнинг барча турлари, шахсий суғурта, жавобгарликни суғурталаш бўйича қайта суғурталаш шартномалари, агентлик ва бошқа шартномалар (битимлар) тузиш;

Ўзбекистон ҳамда чет элда Жамиятнинг мақсадлари ва асосий вазифаларини амалга ошириш учун зарур бўлган ёки улар билан бевосита боғлиқ бўлган ҳар хил битимлар ва бошқа ҳукуқий ҳаракатларни амалга ошириш;

суғурта хатарини баҳолаш, миллий ва хорижий валютада суғурта операцияларини амалга ошириш, шу жумладан суғурта мукофотлари (суғурта бадаллари) олиш, суғурта маҳсулотлари ва дастурларини ишлаб чиқиш, суғурта қоидалари ва шартларини, суғурта тарифларини, суғурта мукофотлари ва агентлик тўловлари миқдорини тасдиқлаш, суғурта захираларини шакллантириш, активларни инвестиция қилиш, зарар ёки зарарлар миқдорини аниқлаш, суғурта тўловларини амалга ошириш, суғурта шартномаси бўйича мажбуриятларни бажариш билан боғлиқ бошқа ҳаракатларни амалга ошириш;

суғурта ҳодисалари юз беришининг олдини олиш ва суғурта ҳодисаси юз берганда суғурта қалтисликлари ва зарар миқдорини камайтиришга йўналтирилган профилактик ва олдини олиш чора-тадбирларни амалга ошириш;

суғурта хатарини қабул қилиш, хавф даражаси ёки суғурта дастурининг ўзгариши муносабати билан шартномани тузишда ва тузишдан аввал экспертизалар ўтказиш, суғурта обьектларининг қийматини, зарарлар миқдорини аниқлаш, суғурта (қайта суғурта) шартномаларида назарда тутилган суғурта ҳодисалари (суғурта белгиларига эга бўлган ҳолатлар, ҳодисалар) бўйича мустақил равиша тузишда ёки учинчи шахслар иштироқида суриштирувлар ўтказиш;

Жамият ваколатига кирадиган масалалар бўйича маҳаллий ва хорижий юридик ва жисмоний шахсларнинг манфаатларини ҳимоя қилиш, қонун билан рухсат берилган доирада кредитлар ва ссудаларни жалб қилиш, кафолатлар ва кафилликлар бериш, депозитлар бериш, инвестицияларни амалга ошириш ва норматив-ҳукуқий хужжатлар билан белгиланган тартибда суғурта захиралари маблағларини жойлаштириш. Суғурта захираларини жойлаштириш диверсификация қилиш, даромадлилик, ликвидлилик ва қайтарилиши асосида амалга оширилади;

сиёсий қалтисликлар бўйича суғурта қопламасини тақдим этиш - хорижий ҳамкор мамлакатидаги сиёсий, молиявий ёки макроиктисодий вазиятнинг ёки, эҳтимол, учинчи давлатда келиб чиқадиган салбий ўзгариш натижасида юзага келадиган, хорижий ҳамкорнинг шартнома мажбуриятларини бажаришига тўлиқ ёки қисман тўсқинлик қиласиган ва қуидагилар натижасида юзага келган хавфлар:

мулкни мусодара қилиш, шунингдек хорижий ҳамкорнинг мамлакати томонидан мулкни тортиб олишга, уни назоратини ёки ундан олинган даромадни йўқотилишига олиб келадиган ҳар қандай қонуний ёки маъмурий чоралар, иқтисодий фаолиятни мустақил равиша тартибга солиш учун хорижий ҳамкор мамлакатининг ҳукумати томонидан киритилган, камситиш ҳисобланмаган, умумий тартибдаги чоралар бундан мустасно;

чет эллик ҳамкорларнинг мамлакати ёки товарлар ўтадиган мамлакатда эълон қилинган ёки қилинмаган уруш, фуқаролар тартибсизликлари, инқилоб, қўзғолон, террористик ҳаракатлар, хорижий ҳамкор мамлакатида ёки товарлар ўтадиган мамлакатларда саботаж;

импорт ёки экспортга эмбарго жорий этилиши;

хорижий ҳамкор мамлакати хукуматининг тузилган шартнома шартларининг тўлиқ ёки қисман бажарилишига тўсқинлик қилувчи ҳаракатлари, шу жумладан Ўзбекистонга нисбатан камситиш белгиларига эга янги қонунлар, қонун хужжатлари, фармонларни қабул қилиниши;

хорижий ҳамкорнинг мамлакатида эркин алмашинадиган валюта йўқлиги сабабли пул ўтказмаларини кечикириш, тўлов амалга ошириладиган хорижий ҳамкор мамлакатининг Ўзбекистонга ёки учинчи давлатнинг ташки қарзига умумий мораторий эълон қилиниши, шунингдек Ўзбекистон ва хорижий ҳамкор мамлакати ўртасидаги тўловларни чекловчи қонун, қарор ёки қоида қабул қилиниши.

хорижий ҳамкорнинг тижорат ва тадбиркорлик қалтисликлари - иқтисодий ва молиявий аҳволидан тўғридан-тўғри келиб чиқадиган хавфлардан суғурта қопламаси тақдим этиш, шу жумладан:

шартнома бўйича молиявий мажбуриятларни қабул қилган хорижий ҳамкорнинг тўловга қодир эмаслиги ёки банкротлиги;

табиий оғатлар, фалокатлар, баҳтсиз ҳодисалар ва бошқа умумий қалтисликлар;

қонун хужжатларида белгиланган тартибда ташки иқтисодий алоқаларда иштирок этиш, суғурта агентликлари ва хорижий ташкилотлар билан ҳамкорлик ўрнатиш, ташки иқтисодий фаолият билан боғлиқ суғурта ва қайта суғурта операцияларини амалга ошириш;

фавқулодда вазиятлар бўйича авария комиссари вазифаларини бажариш ва чет эл ташкилотлари номидан кафолатлар бериш, улар ҳисобидан заарларни қоплаш, шунингдек Жамият номидан шу каби функцияларни чет элда бажаришга кўрсатма бериш;

Жамиятнинг устав мақсадларига ва унинг асосий вазифаларига мувофиқ мустақил равиша ёки воситачилар орқали импорт-экспорт операцияларини амалга ошириш;

Жамият активларини инвестициялаш ва (ёки) унинг фаолият мақсадларини амалга ошириш учун ҳар қандай мулкий ҳуқуқларни, акцияларни, қимматли қоғозларни, интеллектуал фаолиятнинг ҳимояланган натижаларини ва хусусийлаштиришга тенглаштирилган воситаларни (интеллектуал мулк), кўчар ва кўчмас мулкни Ўзбекистон худудида ва ундан ташқарида қуриш, сотиб олиш, эгалик қилиш, ижарага бериш ва ижарага олиш;

максус ваколатли давлат органи томонидан белгиланган тартибда инвестиция фаолиятини олиб бориш, қимматли қоғозлар бозорида инвестиция воситачиси ва инвестиция активларининг ишончли бошқарувчиси сифатида профессионал фаолиятни амалга ошириш;

суғурта ҳодисасидан кейин қолган ва / ёки заарларни ҳал қилиш натижасида Жамият олган мулкни қабул қилиш ва сотиш, шу жумладан ким ошди савдосида, заарлар учун суғурта қопламасини тўлаш ўрнига уни қисман ёки тўлиқ алмаштириш;

Жамият устав вазифаларини бажариш учун зарур бўлган ишлаб чиқарув-техник предметлар, хом ашё, материаллар, транспорт воситаларини сотиб олиш;

Жамият фаолиятини таъминлаш, суғурталанувчилар, суғурталанган шахслар, наф олувчилар, суғурта шартномасини тузиш ниятида бўлган шахсларни, шунингдек Жамият иштирокчиларини хабардор қилиш мақсадларида Интернет ресурслар (Жамиятнинг расмий веб-сайти, бошқа сайвлар, гурухлар ва бошқалар) ва маҳсус дастурий таъминотни лойихалаштириш, ишлаб чиқиш ва ишлатиш;

суғурта соҳасида консалтинг ва маркетинг фаолиятини олиб бориш, суғурта бозорининг эҳтиёжларини, суғурталанувчиларнинг шахсий манфаатларини ва сўровларини тўлиқ қондириш мақсадида ўрганиш;

Жамиятнинг ваколатли фаолияти доирасида хизматларни тақдим этиш ва жисмоний ва юридик шахсларнинг суғурта эҳтиёжларини тўлиқ қондиришга йўналтирилган бошқа харакатларни амалга ошириш;

Жамият фаолияти билан боғлиқ шахсий маълумотларни ва фойдаланилиши чегаралангандан маълумотларни ҳимоя қилиш чораларини кўриш, маҳфий маълумотлар ва тижорат сирини ташкил етувчи маълумотларнинг ҳимоясини таъминлаш;

суғурта мавзуларида семинарлар, конференциялар, бошқа тадбирлар, шу жумладан ўқув тадбирларини ташкил қилиш;

миллий, хорижий ва халқаро суғурта иттифоқларига, бирлашмаларга ва касаба уюшмаларига аъзо бўлиш, Ўзбекистон Республикасида ва ундан ташқарида халқаро конференциялар, семинарлар, тренинглар, инвестиция форумларида иштирок этиш.

2.5. Жамият суғурта ташкилотлари учун қонунда тақиқланмаган бошқа иқтисодий фаолият турларини амалга ошириши мумкин. Агар фаолиятни амалга ошириш учун лицензия талаб этилса, Жамият ушбу турдаги фаолиятни фақат лицензия билан амалга оширади.

2.6. Устав доирасидан ташқари, аммо қонунга зид бўлмаган фаолият ҳақиқий хисобланади.

### **3-боб. Жамиятнинг ҳуқуқий мақоми ва жавобгарлиги**

3.1. Жамият юридик шахс бўлиб, алоҳида мол-мулкка, шу жумладан Жамиятнинг Устав капиталига киритилган мол-мулк шаклидаги, акцияларни, асосий ва айланма маблағларни, кўчар ва қўчмас мулкни, қимматли қоғозларни, фойда ва бошқа нарсаларни жойлаштиришдан тушган маблағлар кўринишида ўз балансида қайд этилган бошқа мол-мулкка эга.

3.2. Жамият давлат тилида тўлиқ фирма номига ва унинг жойлашган жойи кўрсатилган думалоқ муҳрга эга. Матбуотда бир вақтнинг ўзида Жамият номини бошқа тилда кўрсатиш мумкин.

3.3. Жамият акциядорлик жамияти, маъсулияти чекланган жамият ёки унитар корхона шаклида шўъба ва филиалларга эга бўлиши мумкин.

3.4. Жамиятнинг ҳуқуқлари:

ўз номидан битимлар тузиш, мулкий ва шахсий номулкий ҳуқуқларни амалга ошириш, мажбуриятларни олиш, судда даъвогар ва жавобгар бўлиш;

Ўзбекистон Республикаси ҳудудида ва ундан ташқарида банк ҳисоб рақамларини очиш;

ўз номи кўрсатилган штамп ва бланклар, ўз эмблемаси, шунингдек белгиланган тартибда рўйхатдан ўтган савдо белгисига ва фуқаролик муносабатлари иштирокчилари, товарлар, ишлар ва хизматларни индивидуаллаштиришнинг бошқа воситаларига эга бўлиш;

Ўзбекистон Республикасининг амалдаги қонунчилиги талабларига, шунингдек хорижий давлатларнинг тегишли қонунларига биноан, агар халқаро шартномада бошқача қоида назарда тутилмаган бўлса, Ўзбекистон Республикаси ҳудудида ва ташқарисида филиаллар, бўлимлар, бошқа алоҳида бўлинмалар ва ваколатхоналар очиш;

унитар ва қўшма корхоналар, бизнес ва оддий ширкатлар, маъсулияти чекланган жамиятлар, акциядорлик жамиятларини таъсис этишда таъсисчи ёки таъсисчилардан бири сифатида қатнашиш;

юридик ва жисмоний шахслар билан Ўзбекистон Республикаси ҳудудида ва ундан ташқарида барча турдаги операцияларни амалга ошириш;

ҳар қандай шахсни ёллаш, иш ҳақининг шакллари, миқдорлари ва турларини мустақил равища белгилаш, пенсия, нафақа, мукофотлар ва имтиёзларни тўлаш режаларини (қоидаларини) ишлаб чиқиш ва жорий этиш, жамоавий битимни ишлаб чиқиш ва имзолашда қатнашиш;

ўз фаолияти масалалари бўйича кўрсатмалар, қоидалар ва бошқа ички ҳужжатлар чиқариш;

ўз хўжалик фаолиятини режалаштириш, Жамиятнинг ишлаб чиқариш ва ижтимоий ривожланиш истиқболларини, акциядорлар ва меҳнат жамоаси аъзолари даромадларини ошириш усулларини аниқлаш;

баъзи функцияларни тўлиқ ёки қисман филиаллар, бўлимлар, бошқа алоҳида бўлинмаларга, унитар корхоналар, шўъба корхоналари ва қарам хўжалик субъектларига ёки бошқа учинчи томонга аутсорсинг асосида топшириш;

мустақил равища ёки ўқув марказлари ва муассасалари билан биргалиқда шартнома асосида малакали кадрлар тайёрлашни амалга ошириш;

ўз балансидаги мулк, қарзлар, етишмовчиликлар, заарлар ва бошқа харажатларни амалдаги қонунчиликка мувофиқ ҳисобдан чиқариш;

ҳомийлик ва хайрия тадбирларини амалга ошириш, таълим, соғлиқни сақлаш, фан, маданият, спорт, обондонлаштириш ва бошқа ўйналишлар учун маблағ ажратиш.

3.5. Жамият ўз мажбуриятлари бўйича ўзига тегишли бўлган барча мол-мулк билан жавоб беради.

3.6. Акциядорлар Жамиятга мажбурий кўрсатмалар беришга ҳақли эмаслар, Жамиятнинг мажбуриятлари бўйича жавобгар бўлмайдилар ва унинг фаолияти билан боғлиқ заарлар учун ўзларининг акциялари қиймати миқдорида жавобгар бўладилар.

3.7. Акцияларни тўлиқ тўламаган акциядорлар Жамиятнинг мажбуриятлари бўйича ўзларининг акциялари қийматининг тўланмаган қисми миқдорида солидар жавобгар бўладилар.

3.8. Жамият ўз акциядорларининг мажбуриятлари бўйича жавобгар бўлмайди.

#### **4-боб. Жамиятнинг устав капитали**

4.1. Жамиятнинг устав капитали 282 216 408 000,00 (икки юз саксон икки миллиард икки юз ўн олти миллион тўрт юз саккиз минг) сўмни ташкил қиласди.

4.2. Усиав капитали 282 216 408 (икки юз саксон икки миллиард икки юз ўн олти миллион тўрт юз саккиз) дона жойлаштирилган оддий акциялардан иборат.

4.3. Ҳар бир оддий акциянинг номинал қиймати 1000,00 (бир минг) сўм.

4.4. “Ўзбекинвест” ЭИСК АЖ “Ўзбекинвест” ЭИМСҚдан қайта ташкил этиш натижасида акцияларни акциядорлар ўртасида тақсимланиши қуидагича:

давлат номидан Ўзбекистон Республикаси Инвестициялар, саноат ва савдо вазирлиги улушкининг умумий қиймати 235 180 340 000,00 (икки юз ўттиз беш миллиард бир юз саксон миллион уч юз қирқ минг) сўм бўлган 235 180 340 (икки юз ўттиз беш миллиард бир юз саксон минг уч юз қирқ) дона оддий акциялардан иборат бўлиб, Жамият устав капиталининг 5/6 улушкини ташкил этади;

“Ўзбекистон Республикаси Ташқи иқтисодий фаолият миллий банки” акциядорлик жамияти улушкининг умумий қиймати 47 036 068 000,00 (қирқ етти миллиард ўттиз олти миллион олтмиш саккиз минг) сўм бўлган 47 036 068 (қирқ етти миллион ўттиз олти минг олтмиш саккиз) дона оддий акциялардан иборат бўлиб, Жамият устав капиталининг 1/6 улушкини ташкил этади.

#### **5-боб. Жамиятнинг устав капиталини қўпайтириш ва камайтириш**

5.1. Жамиятнинг Устав капитали қўшимча акцияларни жойлаштириш йўли билан қўпайтирилиши мумкин.

5.2. Қўшимча акцияларни чиқариш фақат Жамиятнинг аввал жойлаштирилган барча акциялар учун тўлов тўлиқ амалга оширилгандан кейин чиқарилиши мумкин. Қўшимча акциялар чиқариш тўғрисидаги қарор фақат аввалги чиқарилган акциялар натижалари бўйича жойлаштирилган ва эълон қилинган янги акциялар сонига нисбатан Жамиятнинг Уставига киритилган ўзгаришларни давлат рўйхатидан ўтказилгандан сўнг амалга оширилиши мумкин.

5.3. Жамият акцияларни алоҳида жойлаштириш (олдиндан маълум бўлган, чекланган миқдордаги сармоядорлар орасида ёпиқ обуна, оммавий эълонсиз ва реклама кампаниясисиз) ва оммавий жойлаштириш (рекламадан фойдаланган ҳолда чексиз миқдордаги инвесторлар орасида очиқ обуна) орқали жойлаштиришга хақли.

5.4. Жамият томонидан қўшимча акциялар фақат Жамият Уставида белгиланган, эълон қилинган акцияларининг сони чегарасида жойлаштирилиши мумкин.

5.5. Жамиятнинг устав капиталини ошириш тўғрисида ва Жамият Уставига тегишли ўзгаришлар киритиш тўғрисида қарор Жамият акциядорларининг Умумий йиғилиши томонидан қабул қилинади. Агар бундай қарор қабул қилиш ваколати Кузатув кенгашига берилган бўлса, Кузатув кенгаши томонидан қарор қабул қилиниши мумкин.

5.6. Жамиятнинг устав капиталини ошириш тўғрисида қарорида жойлаштириладиган қўшимча оддий акциялар сони, тури, уларни жойлаштириш муддатлари ва шартлари белгиланган бўлиши керак.

5.7. Жамият устав капиталининг оширилиши жойлаштирилган қўшимча акцияларнинг номинал қиймати миқдорида қайд этилади. Агар эълон қилинган қўшимча

акциялар түлиқ жойлаштирилмаса, Жамиятнинг Уставида кўрсатилган маълум турдаги эълон қилинган акцияларнинг сони ушбу турдаги жойлаштирилган қўшимча акциялар сонига камайтирилиши керак.

5.8. Жамиятнинг қўшимча акциялар чиқариш тўғрисидаги қарори унинг Устав капиталини ошириш тўғрисидаги акциядорларнинг Умумий йиғилиши ёки Кузатув кенгашининг қарори хисобланади, агар ушбу ваколат акциядорларнинг Умумий йиғилиши қарори билан Кузатув кенгашига берилган бўлса.

5.9. Акциялар учун тўлов пул, қимматли қофозлар, бошқа мулкий ҳуқуқлар, ёхуд пул қийматига эга бўлган бошқа ҳуқуқларда амалга оширилиши мумкин. Жамият акциядорларининг Умумий йиғилиши қўшимча акциялари учун тўлов шакли уларни жойлаштириш тўғрисидаги қарори билан белгиланади.

5.10. Жамиятнинг Устав капиталини ошириш Жамиятнинг соф фойдасини капиталлашуви, жалб қилинган инвестициялар, Жамиятнинг ўз капитали ва ҳисобланган дивидендлар ҳисобига, шунингдек бошқа манбалар ҳисобига қонун ҳужжатларида белгиланган тартибда амалга оширилиши мумкин.

5.11. Жамиятнинг устав капитали ўз капитали ҳисобига қўпайганда қўшимча акциялар барча акциядорлар ўртасида мутаносиб тақсимланади. Бунда акциялар акциядорнинг ўзига тегишли бўлган турдаги акциялар сонига мутаносиб равища тақсимланади. Жамият устав капиталини қўпайтирилаётган сумма бир акциянинг номинал қийматига мос бўлмаган ҳолда оширилишига йўл қўйилмайди.

5.12. Жамиятнинг устав капитали акцияларнинг номинал қийматини камайтириш ёки уларнинг умумий сонини камайтириш, шу жумладан Жамият томонидан акцияларнинг бир қисмини кейинчалик уларни бекор қилган ҳолда сотиб олиш йўли билан камайтирилиши мумкин.

5.13. Жамиятнинг устав капиталини акцияларнинг бир қисмини сотиб олиш ва (ёки) сўндириш йўли билан камайтиришга йўл қўйилади.

5.14. Жамиятнинг устав капиталини камайтириш ва Жамиятнинг Уставига ўзгартириш киритиш ва қўшимчалар киритиш тўғрисидаги қарорлар акциядорларнинг Умумий йиғилиши томонидан қабул қилинади.

5.15. Жамиятнинг Устав капиталини камайтириш тўғрисида қарор қабул қилганда, акциядорларнинг Умумий йиғилиши Устав капиталининг камайиши сабабларини кўрсатиши ва уни камайтириш тартибини белгилаши керак.

5.16. Жамият ўз устав капиталини, агар бундай камайтириш натижасида унинг миқдори қонун ҳужжатларига мувофиқ белгиланган устав капиталининг энг кам миқдоридан кам бўлса, камайтириши мумкин эмас.

5.17. Жамият кредиторларни устав капиталини камайтириш тўғрисида қарор қабул қилинган кундан бошлаб ўттиз кундан кечиктирмай ёзма равища хабардор қиласи. Кредиторлар уларга Жамият устав капиталининг камайиши тўғрисида хабар берилган кундан бошлаб ўттиз кундан кечиктирмай Жамиятдан ўз мажбуриятларини муддатидан олдин бажарилишини ва тегишли заарларнинг қопланишини талаб қилишга ҳақлидирлар.

## **6-боб. Жамиятнинг акциялари, облигациялари ва бошқа қимматли қоғозлари**

6.1. Жамиятнинг акциялари рўйхатга олинган қимматли қоғозлар бўлиб, турига кўра оддий ва имтиёзли бўлиши мумкин.

6.2. Жамиятнинг акцияси бўлинмайди, акцияларнинг тақсимланишига йўл қўйилмайди.

6.3. Жамият жойлаштирилган акцияларга қўшимча равишда ҳар бирининг номинал қиймати 1000,00 (бир минг) сўм бўлган 800 000 000 (саккиз юз миллион) дона эълон қилинган оддий акцияларни ҳамда ҳар бирининг номинал қиймати 1000,00 (бир минг) сўм бўлган 14 110 820 (ўн тўрт миллион бир юз ўн минг саккиз юз йигирма) дона эълон қилинган имтиёзли акцияларни жойлаштириш хуқуқига эга.

6.4. Жамият қонун ҳужжатларига ва Уставига мувофиқ акциялар билан бир қаторда облигациялар ва бошқа қимматли қоғозларни чиқариш ва жойлаштиришга ҳақли.

6.5. Жамиятнинг акциялари, облигациялари ва бошқа қимматли қоғозларини чиқариш, рўйхатдан ўтказиш, жойлаштириш ва уларнинг муомаласи тартиби қонун ҳужжатлари ва Жамият Уставида белгиланади.

6.6. Акциялар ва облигациялар муомаласи тартиби, уларнинг эгаларининг хукуклари ва мажбуриятлари қонун ҳужжатлари ва Жамият Уставида белгиланади.

6.7. Жамиятнинг корпоратив облигациялари Жамиятнинг акцияларига айирбошланадиган қимматли қоғозлар бўлиши мумкин.

6.8. Жамият томонидан корпоратив облигацияларни чиқариш, шу жумладан акцияларга айирбошланадиган корпоратив облигацияларни чиқариш акциядорларнинг Умумий йиғилишининг қарорига кўра ёки, агар Жамият Уставига ёки акциядорларининг Умумий йиғилишининг қарорига мувофиқ Жамият Кузатув кенгашига бундай қарор қабул қилиш хуқуки тегишли бўлса, Жамият Кузатув кенгашининг қарорига кўра амалга оширилади.

6.9. Жамият Кузатув кенгаши қарорига мувофиқ акцияларга айирбошланган корпоратив облигациялар чиқарган тақдирда ушбу қарор Кузатув кенгашининг барча аъзолари томонидан бир овоздан қабул қилиниши керак. Кузатув кенгаши аъзолари ўртасида яқдиллик бўлмаса, ушбу масала акциядорларнинг Умумий йиғилиши муҳокамасига киритилиши мумкин.

## **7-боб. Жамият акциядорларининг хукуқ ва мажбуриятлари**

7.1. Жамиятнинг барча акциядорлари хукуклари:

уларни Жамият акциядорларининг реестрига киритилиши;

депо ҳисобварағидан ўзига тааллуқли кўчирма олиши;

Жамият фойдасининг бир қисмини дивидендлар кўринишида олиши;

Жамият тугатилган тақдирда мол-мулкнинг тегишли улушга мос қисмини олиши;

Жамиятнинг молия-хўжалик фаолияти натижалари тўғрисида тўлиқ ва ишончли ахборотни белгиланган тартибда олиши;

олган дивидендини эркин тасарруф этиши;

акциядорларга тақдим этилган хукуқларнинг ҳаммаси ёки бир қисмини амалга ошириш учун учинчи шахсларга ишончнома ёки келишув билан ваколат бериш;

қимматли қоғозлар бозорини тартибга солиш бўйича ваколатли давлат органида, шунингдек судда ўз ҳукуқларини ҳимоя қилиши;

ўз манфаатларини ифодалаш ва ҳимоя қилиш мақсадида уюшмаларга ва бошқа нодавлат нотижорат ташкилотларига бирлашиши;

қимматли қоғозларни олишда зарар кўриш, шу жумладан бой берилган фойда эҳтимоли билан боғлиқ қалтисликларни суғурта қилиш ҳукуқига эга.

7.2. Акциядор томонидан ҳукуқларнинг амалга оширилиши бошқа акциядорларнинг ҳукуқлари ва қонун билан ҳимояланадиган манфаатларини бузмаслиги лозим.

7.3. Акциядорлар ўз ҳукуқларини бевосита, шахсан ва вакили орқали амалга оширишлари мумкин. Вакил сифатида ҳар қандай учинчи шахс, шу жумладан бошқа акциядор, шунингдек Жамиятнинг мансабдор шахси қатнашиши мумкин. Вакил тайинлаш тартиби қонун хужжатлари билан белгиланади.

7.4. Акцияларга эга бўлган Жамият акциядорлари ўз ваколатига кирадиган барча масалалар бўйича овоз бериш ҳукуки билан акциядорларнинг Умумий йиғилишида иштирок этишлари мумкин, шунингдек қонун хужжатларига ва Жамият Уставига мувофиқ бошқа ҳукуқларга ҳам эга бўлишлари мумкин.

7.5. Акцияларга бўлган ҳукуқлар акцияларни олувчига унинг депо ҳисобварагига тегишли кирим ёзуви киритилган пайтдан эътиборан ўтади ва қонун хужжатларида белгиланган тартибда бериладиган депо ҳисобварагидан кўчирма билан тасдиқланади.

7.6. Акция билан тасдиқланадиган ҳукуқлар ушбу қимматли қоғозга бўлган ҳукуқлар ўтган пайтдан эътиборан уларни олувчига ўтади.

7.7. Жамиятнинг бир ёки бир нечта акцияларига икки ёки ундан ортиқ шахснинг қонуний равища умумий мулқдорлик ҳукуки юзага келган тақдирда Жамиятга нисбатан барча бундай шахслар битта акциядор деб тан олинади ва акциядорларнинг ҳукуқларини, шу жумладан акциядорларнинг Умумий йиғилишида уларнинг ихтиёрига кўра улардан бири ёки уларнинг умумий вакили овоз бериш ҳукукини амалга оширади.

Ушбу шахсларнинг ҳар бирининг ваколатлари тегишли равища расмийлаштирилиши керак.

Акцияларнинг биргаликдаги эгалари акциядорларнинг мажбуриятлари бўйича солидар жавобгар бўладилар.

7.8. Жамият акциядорларидан, уларга тегишли акциялар сони ва туридан қатъий назар, куйидагиларга мажбурлар:

ўз вақтида, шунингдек қонун хужжатларида, Жамиятнинг Уставида ва ички хужжатларида белгиланган бошқа шартлар ва тартибларга риоя қилган ҳолда, Жамият томонидан жойлаштирилган акциялар ва бошқа қимматли қоғозлар учун тўловни амалга ошириш;

ўз ҳаракатлари билан Жамиятга ва унинг обрўсига зарар етказилишига йўл қўймаслик;

Жамият фаолияти билан боғлиқ масалалар бўйича ўзларига маълум бўлган маълумотларнинг маҳфийлигини таъминлаш;

бошқа акциядорларнинг ҳукуқлари ва қонун билан қўриқланадиган манфаатларини бузмаслик;

Жамият томонидан унга маълум амалга оширилаётган ва (ёки) оширилиши мумкин бўлган битимлар, агар ушбу битимдан манфаатдор деб топилиши мумкин бўлса, мустақил равища ёки ўз аффилланган шахси (шахслар) билан биргаликда 20 ёки ундан ортиқ фоиз овоз берувчи акцияларга (улуш, пайга) эгалик қилувчи юридик шахслар, шунингдек бошқарув органида лавозимни эгаллаган юридик шахслар ҳақида маълумотларни билан биргаликда Жамиятнинг Кузатув кенгашига, тафтиш комиссиясига ва Жамият аудиторига маълумотларни ўз вақтида етказиши;

7.9. Акциядорлар қонун хужжатларида ва Жамият Уставида назарда тутилган бошқа мажбуриятларга эга бўлишлари мумкин.

## **8-боб. Жамият жамғармалари**

8.1. Жамиятда унинг устав капиталининг ўттиз фоизидан кам бўлмаган миқдорда захира жамғармаси шакллантирилади.

8.2. Жамиятнинг захира жамғармаси Жамият Уставида белгиланган миқдорга етгунига қадар соф фойданинг 5 фоиз миқдорида йиллик мажбурий ажратмалар орқали шакллантирилади.

8.3. Жамиятнинг захира жамғармаси Жамиятнинг бўлиши мумкин бўлган зарарларини ўрнини коплаш, Жамиятнинг корпоратив облигацияларини муомаладан чиқариш, имтиёзли акциялар бўйича дивидендлар тўлаш ва бошқа маблағлар бўлмаган ҳолларда Жамиятнинг акцияларини қайтариб сотиб олиш учун мўлжалланади.

8.4. Жамиятнинг захира жамғармасидан бошқа мақсадлар учун фойдаланиш мумкин эмас.

8.5. Жамият фаолияти учун зарур бўлган бошқа жағармаларни (хўжаликни ривожлантириш ва инновациялар жағармаси, ижтимоий ривожланиш, моддий рағбатлантириш ва меҳнатни муҳофаза қилиш жамғармаси, хайрия жамғармаси ва бошқа жамғармалар) қонун хужжатларига мувофиқ тарзда ташкил этиш хуқуқига эга. Ушбу жамғармалар шакллантириш манбалари, маблағларини фойдаланиш мақсадлари ва тартиби, маблағлар сарфланишининг тўғри мақсадга мувофиқлигини ва самарадорлигини мониторинг қилиш тартиби тўғрисидаги низомлар Кузатув кенгashi томонидан тасдиқланади.

8.6. Жамият ўзи томонидан қабул қилинган суғурта мажбуриятларининг бажарилишини таъминлаш учун ҳам сўмда, ҳам чет эл валютасида тўланган суғурта мукофотларидан суғурта фаолиятини тартибга солувчи ваколатли давлат органи томонидан белгиланган тартибда ва шартларда суғурта захираларини шакллантиради ҳамда жойлаштиради.

## **9-боб. Дивидендларни тўлаш тартиби**

9.1. Дивиденд Жамият соф фойдасининг акциядорлар ўртасида тақсимланадиган қисмидир.

9.2. Молиявий йил натижаларига кўра Жамият соф фойдасининг 25 фоизигача бўлган қисми қўшимча акциялар чиқариш орқали Устав капиталини оширишга йўналтирилиши мумкин.

9.3. Жамият акцияларнинг ҳар бир тури бўйича эълон қилинган дивиденdlарни тўлаши шарт.

9.4. Дивиденд акциядорларнинг Умумий йиғилиши қарорига кўра пул маблағлари ёки бошқа конуний тўлов воситалари ёхуд Жамиятнинг қимматли қоғозлари билан тўланиши мумкин.

9.5. Дивиденд акциядорлар ўртасида уларга тегишли акцияларнинг сони ва турига мутаносиб равишда тақсимланади.

9.6. Жамият молиявий йил натижаларига кўра жойлаштирилган акциялар бўйича дивиденdlар тўлаш тўғрисида қарор қабул қилишга ҳақли.

9.7. Дивиденdlарни тўлаш муддати шундай қарор қабул қилинган қундан эътиборан олтмиш қундан кеч бўлмаслиги лозим.

9.8. Эгаси ёки унинг хуқуқий вориси ёки меросхўр томонидан уч йил давомида талаб қилинмаган дивиденд акциядорларнинг Умумий йиғилишининг қарори билан Жамиятнинг ихтиёрида қолади.

## **10-боб. Жамиятнинг бошқарув органлари**

10.1. Акциядорларнинг Умумий йиғилиши, Кузатув кенгаши ва Ижро органи Жамиятнинг бошқарув органларидир.

## **11-боб. Акциядорларнинг Умумий йиғилиши**

11.1. Жамиятнинг юқори бошқарув органи бўлиб акциядорларнинг Умумий йиғилиши хисобланади.

11.2. Акциядорларнинг Умумий йиғилишини Жамият Кузатув кенгашининг раиси, у узрли сабабларга кўра бўлмаган тақдирда эса, Жамият Кузатув кенгашининг аъзоларидан бири олиб боради.

11.3. Жамият ҳар йили акциядорларнинг Умумий йиғилишини (акциядорларнинг йиллик Умумий йиғилишини) ўтказиши шарт.

11.4. Агар акциядорларнинг Умумий йиғилишида иштирок этиш учун рўйхатдан ўтказиш тугалланган пайтда Жамиятнинг жойлаштирилган овоз берувчи акцияларининг жами эллик фоизидан кўпорқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг Умумий йиғилиши ваколатли (кворумга эга) бўлади.

11.5. Жамият акциядорларининг навбатдан ташқари Умумий йиғилиши амалдаги конунчиликка мувофиқ, йиғилиш чақириш хуқуқига эга бўлган органларнинг талабига биноан ўтказилади.

11.6. Акциядорларнинг йиллик Умумий йиғилиши Жамият Уставида белгиланган муддатларда, аммо молия йили тугаганидан кейин ойдан кечиктирмай ўтказилади. Акциядорларнинг йиллик Умумий йиғилишида Жамиятнинг Кузатув кенгаши ва тафтиш комиссиясини (тафтишчисини) сайлаш, Жамиятнинг яккабошчилик асосидаги Ижроия органи билан тузилган шартноманинг муддатини узайтириш, уни қайта тузиш ёки бекор қилиш мумкинлиги ҳакидаги масалалар ҳал этилади, шунингдек Ўзбекистон Республикаси “Акциядорлик жамиятлари ва акциядорларнинг хуқуқларини химоя қилиш тўғрисида”ги Конунининг 59-моддаси биринчи қисмининг ўн иккинчи ва ўн учинчи

хатбошларига мувофик, Жамиятнинг йиллик ҳисботи Жамият Ижроия органи ва Кузатув кенгашининг Жамиятни ривожлантириш стратегиясига эришиш бўйича кўрилаётган чоратадбирлар тўғрисидаги ҳисботлари ва бошқа ҳужжатлари кўриб чиқилади.

11.7. Акциядорларнинг йиллик Умумий йиғилишидан ташқари ўтказиладиган Умумий йиғилишлари навбатдан тақари йиғилишлардир.

11.8 Акциядорларнинг Умумий йиғилишини ўтказиш санаси ва тартиби, йиғилиш ўтказилиши ҳақида акциядорларга хабар бериш тартиби, уни ўтказишга тийёргарлик вақтида акциядорларга бериладиган материалларнинг (ахборотнинг) рўйҳати Жамиятнинг Кузатув кенгashi томонидан белгиланади.

11.9. Акциядорлар Умумий йиғилишининг ваколат доирасига қуйидагилар киради:

Жамият Уставига ўзгартиш ва қўшимчалар киритиш ёки Жамиятнинг янги таҳрирдаги Уставини тасдиқлаш;

Жамиятни қайта ташкил этиш;

Жамиятни тугатиш, тугатувчини (тугатиш комиссиясини) тайинлаш ҳамда оралиқ ва якуний тугатиш балансларини тасдиқлаш;

Жамият Кузатув кенгашининг ва миноритар акциядорлар қўмитасининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;

эълон қилинган акцияларнинг энг кўп миқдорини белгилаш;

Жамиятнинг Устав фондини (Устав капиталини) кўпайтириш;

Жамиятнинг Устав фондини (Устав капиталини) камайтириш;

ўз акцияларини сотиб олиш;

Жамиятнинг ташкилий тузилмасини тасдиқлаш, ижро этувчи органини шакллантириш, унинг раҳбарини сайлаш (тайинлаш) ва унинг ваколатларини муддатидан илгари тугатиш;

Жамиятнинг тафтиш комиссияси аъзоларини (тафтишчисини) сайлаш ва уларнинг ваколатларини муддатидан илгари тугатиш, шунингдек тафтиш комиссияси (тафтишчи) тўғрисидаги низомни тасдиқлаш;

Мажбурий аудиторлик текширувани ўтказиш учун аудиторлик ташкилотини белгилаш, ушбу ташкилотнинг хизматларига тўланадиган энг кўп ҳақ миқдори ва у билан шартнома тузиш (шартномани бекор қилиш) тўғрисида қарор қабул қилиш;

Жамиятнинг йиллик ҳисботини, шунингдек Жамият фаолиятининг асосий ўйналишлари ва мақсадидан келиб чиқкан ҳолда Жамиятни ўрта муддатга ва узоқ муддатга ривожлантиришнинг аниқ муддатлари белгиланган стратегиясини тасдиқлаш;

Жамиятнинг фойдаси ва заарларини тақсимлаш;

Жамият Кузатув кенгашининг ва тафтиш комиссиясининг (тафтишчисининг) ўз ваколат доирасига кирадиган масалалар юзасидан, шу жумладан Жамиятни бошқаришга доир қонун ҳужжатларида белгиланган талабларга риоя этилиши юзасидан Жамият Кузатув кенгашининг ҳисботларини ва тафтиш комиссиясининг (тафтишчисининг) хуносаларини эшлиши;

Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуннинг 35-моддасида назарда тутилган имтиёзли ҳуқуқни қўлламаслик тўғрисида қарорни қабул қилиш;

акциядорлар Умумий йиғилишининг регламентини тасдиқлаш;

акцияларни майдалаш ва йириклиштириш;

Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуни 8- ва 9-бобларида назарда тутилган ҳолларда Жамият томонидан битимлар тузиш тўғрисида қарор қабул қилиш;

Қонун ҳужжатларига мувофиқ бошқа масалаларни ҳал этиш.

11.10. Акциядорлар Умумий йиғилишининг ваколатига тааллуқли масалалар Жамиятнинг ижро этувчи органига ҳал қилиш учун берилиши мумкин эмас.

11.11. Акциядорлар Умумий йиғилишининг ваколатига тааллуқли масалалар, Жамиятнинг Кузатув кенгашига киритилиши мумкин эмас, қонунда назарда тутилган ҳоллар бундан мустасно.

11.12. Жамиятнинг овоз берувчи акцияларининг камида биттадан фоизига эга бўлган акциядорлар (акциядор) Жамиятнинг молиявий йили тугаганидан кейин олтмиш кундан кечиктирмай акциядорларнинг йиллик Умумий йиғилишининг кун тартибига масала қўйиш ва Кузатув кенгashi ва тафтиш комиссиясига (тафтишчи) ушбу органнинг миқдорий таркибидан ошиб кетмайдиган миқдорда номзодларни кўрсатишга ҳақлидир.

11.13. Акциядорлар (акциядор) улар томонидан акциядорларнинг йиллик Умумий йиғилиши ўтказилиши тўғрисида эълон қилинган кундан бошлаб уч иш кунидан кечиктирмай Жамиятнинг Кузатув кенгashi ва тафтиш комиссиясига ўзлари томонидан кўрсатилган номзодлар рўйхатига ўзгартириш киритишга ҳақли.

11.14. Миноритар акциядорлар асоссиз равища ҳужжатларни талаб қилиб, маҳфий маълумотлардан, тижорат сирларидан фойдаланган ҳолда Жамият бошқарув органларининг фаолиятига тўскенилик қилмаслиги керак.

11.15. Жамиятнинг беш фоиздан кам бўлмаган овоз берувчи акцияларига эгалик қилувчи акциядор аффилланган шахс билан тузилган қайси битим натижасида жамиятга зарар етказилган бўлса ёхуд ушбу битим тузилганлиги оқибатида келгусида зарар етказилиши мумкин бўлса, ўша битимни тузишга доир талаблар бузилишининг мавжуд белгиларини ўрганиш учун мустақил равища аудиторлик ташкилотини жалб этишга ҳақли.

## **12-боб. Жамиятнинг Кузатув кенгashi**

12.1. Жамиятнинг Кузатув кенгashi Жамият фаолиятига умумий раҳбарликни амалга оширади, Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуни ва Жамият Устави билан акциядорлар Умумий йиғилишининг ваколати доирасига киритилган масалаларни ҳал этиш бундан мустасно.

12.2. Жамият Кузатув кенгашининг ваколати доирасига қўйидагилар киради:

Жамиятни ривожлантириш стратегиясига эришиш бўйича кўрилаётган чоратадбирлар тўғрисида Жамият ижроия органининг ҳисоботини мунтазам равища эшитиб борган ҳолда Жамият фаолиятининг устувор йўналишларини белгилаш;

акциядорларнинг йиллик ва навбатдан ташқари Умумий йиғилишларини чақириш, Ўзбекистон Республикаси “Акциядорлик жамиятлари ва акциядорларнинг хуқуқларини ҳимоя қилиш тўғрисида”ги Қонуни 65-моддасининг ўн биринчи қисмида назарда тутилган ҳоллар бундан мустасно;

акциядорлар Умумий йиғилишининг кун тартибини тайёрлаш;

акциядорларнинг Умумий йиғилиши ўтказиладиган сана, вақт ва жойни белгилаш;

акциядорларнинг Умумий йиғилиши ўтказилиши ҳақида хабар қилиш учун Жамият акциядорларининг реестрини шакллантириш санасини белгилаш;

Ўзбекистон Республикаси “Акциядорлик жамиятлари ва акциядорларнинг хуқуқларини ҳимоя қилиш тўғрисида”ги Қонуни 59-моддаси биринчи қисмининг иккинчи хатбошида назарда тутилган масалаларни акциядорларнинг Умумий йиғилиши ҳал қилиши учун киритиш;

мол-мулкнинг бозор қийматини белгилашни ташкил этиш;

ички аудит хизматини ташкил этиш ва унинг ходимларини тайинлаш, шунингдек ҳар чорақда унинг хисботларини эшитиб бориш;

Жамиятнинг марказий аппаратининг ташкилий-бошқарув тузилмаси ва штат жадвалини келишиш;

Жамият Бош директорининг ўринbosарларини тайинлаш (тасдиқлаш), уларни ваколатларини муддатидан илгари тутатиш;

Жамиятнинг ижро этувчи органи фаолияти билан боғлиқ ҳар қандай хужжатларни олиш ва уларни Жамиятнинг Кузатув кенгашига юкланган вазифаларни бажариш учун ижроия органидан олиш. Қабул қилинган хужжатлардан Жамиятнинг Кузатув кенгаши ва унинг аъзолари фақат расмий мақсадларда фойдаланиши мумкин;

аудиторлик текширувани (мажбурий аудиторлик текшируви бундан мустасно) ўтказиш, аудиторлик ташкилотини белгилаш, унинг хизматларига тўланадиган энг кўп ҳақ микдори ва у билан шартнома тузиш (шартномани бекор қилиш) тўғрисида қарор қабул қилиш;

Жамият активларининг охирги ҳисбот санасидаги баланс қийматининг беш фоизидан ортиқ ҳамда предмети мол-мулқ, баланс қиймати ёки сотиб олиш қиймати бўлган битимлар тузиш ҳақида қарор қабул қилиш;

Жамиятнинг тафтиш комиссияси аъзоларига (аудиторига) тўланадиган ҳақ ва компенсация микдори тўғрисида тавсиялар бериш;

дивиденд микдори, уни тўлаш шакли ва тартиби бўйича тавсиялар бериш;

Жамиятнинг захира фондидан ва бошқа фондларидан фойдаланиш;

Жамиятнинг филиалларини ташкил этиш ва ваколатхоналарини очиш;

Филиал ва ваколотхоналар Низомларини тасдиқлаш;

Жамиятнинг шўъба ва тобе корхоналар жамиятларини ташкил этиш;

Ўзбекистон Республикаси “Акциядорлик жамиятлари ва акциядорларнинг хуқуқларини ҳимоя қилиш тўғрисида”ги Қонунининг 8- ва 9-бобларида назарда тутилган ҳолларда битимлар тузиш ҳақида қарор қабул қилиш;

Жамиятнинг тижорат ва нотижорат ташкилотлардаги иштироки билан боғлиқ битимларни қонун хужжатларида белгиланган тартибда тузиш;

Жамиятнинг Устав жамғармасини (Устав капиталини) кўпайтириш масалаларини, шунингдек Жамият Уставига Жамиятнинг Устав капиталини кўпайтириш ҳамда Жамиятнинг эълон қилинган акциялари сонини камайтириш билан боғлиқ ўзгартиш ва қўшимчалар киритиш тўғрисидаги масалаларни ҳал қилиш;

Ўзбекистон Республикаси “Акциядорлик жамиятлари ва акциядорларнинг хуқукларини химоя қилиш тўғрисида”ги Конунининг 34-моддасига мувофиқ акцияларни жойлашириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;

Жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;

қимматли қоғозларнинг ҳосилаларини чиқариш тўғрисида қарор қабул қилиш;

Жамиятнинг корпоратив облигацияларини қайтариб сотиб олиш тўғрисида қарор қабул қилиш;

Жамитнинг Ижроия органига тўланадиган ҳақ ва компенсациялар миқдорини белгилаш;

Жамиятнинг йиллик бизнес-режасини тасдиқлаш;

Жамиятга тегишли мулкни бегоналаштириш, уни сотиш шакли ва механизми, жамият ва унинг таркибидаги корхоналар устав капиталига учинчи шахслар томонидан инвестиция киритиш бўйича келишувлари (битим, шартнома, меморандум ва бошқалар) тузилиши тўғрисида қарор қабул қилиш;

Жамиятнинг асосий фаолиятига хос бўлмаган янги кўчмас мулк обьектларини сотиб олиш ёки қуриш тўғрисида қарор қабул қилиш (Ўзбекистон Республикаси Президенти ва Хукумати қарорларида назарда тутилган ҳоллар бундан мустасно);

Жамиятнинг асосий фаолиятидан ташқари қўшимча фаолият билан шуғулланиш тўғрисида қарор қабул қилиш (Ўзбекистон Республикаси Президенти ва Хукумати қарорларида назарда тутилган ҳоллар бундан мустасно);

Жамиятнинг асосий фаолиятига хос бўлмаган хўжалик жамиятлари устав капиталида иштирок этиш ёки ундаги улушни сотиб олиш тўғрисида қарор қабул қилиш (Ўзбекистон Республикаси Президенти ва Хукумати қарорларида назарда тутилган ҳоллар бундан мустасно).

12.3. Жамият Кузатув кенгашининг ваколатига Ўзбекистон Республикасининг “Акциядорлик жамиятлари ва акциядорларнинг хуқукларини химоя қилиш тўғрисида”ги Конуни ва Жамият Уставига мувофиқ бошқа масалаларни ҳал қилиш ҳам кириши мумкин.

12.4. Жамият Кузатув кенгашининг ваколат доирасига киритилган масалалар ҳал қилиш учун Жамиятнинг Ижроия органига ўтказилиши мумкин эмас. Мазкур Уставда кўрсатиб ўтилган ҳолатларда, Ижроия органи ваколатига киритилган айrim масалалар Кузатув кенгашининг ваколатлари доирасига киритилиб, ҳал қилиниши мумкин.

12.5. Жамият Кузатув кенгаши аъзолари акциядорларнинг Умумий йиғилиши томонидан Ўзбекистон Республикасининг “Акциядорлик жамиятлари ва акциядорларнинг хуқукларини химоя қилиш тўғрисида”ги Конуни ва Жамият Уставида белгиланган тартибда уч йилгача муддатга сайланади.

12.6. Жамиятнинг Кузатув кенгашининг миқдорий таркиби 5 кишидан иборат.

12.7. Жамиятнинг Кузатув кенгашига сайланган шахслар чексиз қайта сайланишлари мумкин.

12.8. Жамият Баш директори, унинг шўъба ва филиалларида меҳнат шартномаси (контракт) бўйича ишлайдиган шахслар ва ушбу Жамиятларнинг бошқарув органлари аъзолари Жамият Кузатув кенгашига сайланиши мумкин эмас.

12.9. Жамиятда меҳнат шартномаси (контракт) бўйича ишлайдиган шахслар Жамиятнинг Кузатув кенгаши аъзоси бўлишлари мумкин эмас.

12.10. Жамиятнинг Кузатув кенгаши аъзоларини сайлаш кумулятив овоз бериш орқали амалга оширилади.

12.11. Кумулятив овоз беришда ҳар бир акциядор томонидан олинган овозлар сони Жамиятнинг Кузатув кенгашига сайланиши керак бўлган шахслар сонига кўпайтирилади ва акциядор шу тарзда олинган овозларни битта номзодга бериши ёки уларни икки ёки ундан ортиқ номзодлар ўртасида тақсимлаш хуқуқига эга.

12.12. Энг кўп овоз тўплаган номзодлар Жамият Кузатув кенгашига сайланган деб ҳисобланади.

12.13. Жамият Кузатув кенгаши раиси Кузатув кенгаши аъзолари томонидан унинг таркибидан Кузатув кенгаши аъзоларининг умумий сонининг кўпчилик овози билан сайланади.

12.14. Жамиятнинг Кузатув кенгаши Кузатув кенгаши аъзолари умумий сонининг кўпчилик овози билан ўз раисини қайта сайлашга ҳақли.

12.15. Жамиятнинг Уставида бошқача қоида назарда тутилган бўлмаса, Жамият Кузатув кенгаши раиси унинг ишини ташкил қиласи, Кузатув кенгашининг мажлисларини чақиради ва уларда раислик қиласи, йиғилишлар баёнларини юритади, акциядорларнинг Умумий йиғилишларида раислик қиласи.

12.16. Жамиятнинг Кузатув кенгаши раиси бўлмаган тақдирда унинг вазифаларини Кузатув кенгаши аъзоларидан бири бажаради.

12.17. Жамият Кузатув кенгашининг йиғилиши Кузатув кенгашининг раиси ташаббуси, Кузатув кенгаши аъзоси, тафтиш комиссияси (тафтишчининг), Жамият ижро этувчи органининг илтимосига, шунингдек Жамият Уставида белгиланган бошқа шахсларнинг таклифига биноан чакирилади.

12.18. Жамиятнинг овоз берувчи акцияларининг камида бир фоизига эгалик қиласи акциядорлар (акциядор) Кузатув кенгаши йиғилишини чақиришини талаб қилиши ва кун тартиби, даромад тақсимоти, бошқарув ва назорат органлари аъзолигига номзодларни акциядорларнинг умумий йиғилишига алмаштириш бўйича таклифлар билан мурожаат этишга ҳақлидир.

12.19. Кузатув кенгашининг йиғилишини ўтказиш учун кворум Жамият Кузатув кенгашига сайланганларнинг етмиш беш фоизидан кам бўлмаслиги керак.

12.20. Жамият Кузатув кенгашининг бир аъзоси томонидан овозни Кузатув кенгашининг бошқа аъзосига ўтказилишига йўл қўйилмайди.

12.21. Жамият Кузатув кенгаши раиси Кузатув кенгаши аъзоларининг овозлари teng бўлганда ҳал қилувчи овозга эга бўлади.

12.22. Жамиятнинг Кузатув кенгашининг мажлиси баёни юритилади. Кузатув кенгashi мажлисining баёни у ўтказилган кундан бошлаб ўн кундан кечиктирмай тузилади.

12.23. Жамиятнинг Кузатув кенгashi мажлиси баёни йиғилишда қатнашган аъзолари томонидан имзоланади ва улар баён тўғрилиги учун жавобгардирлар.

12.24. Жамият Кузатув кенгашининг қарорлари Кузатув кенгашининг барча аъзолари сиртдан овоз беришлари (сўров) йўли билан қабул қилиниши мумкин (ижро органининг чораклик хисботини эшлиши бўйича мажлислар қарорлари бундан мустасно).

12.25. Жамият Кузатув кенгashi йиғилишининг баёни имзоланган куни Жамият ижроия органига ижро қилиш учун тақдим этилади. Кузатув кенгashi акциядорларнинг умумий йиғилишини чақириш тўғрисида қарор қабул қилган тақдирда ушбу қарор тўғрисидаги маълумотлар Кузатув кенгashi йиғилиши куни Жамиятнинг ижроия органига юборилади.

12.26. Жамият Кузатув кенгashi таркибида кенгаш аъзоларидан иборат Стратегия ва инвестициялар қўмитаси, Аудит қўмитаси, Тайинловлар ва ҳақ тўлаш қўмитаси, Коррупцияга қарши курашибиши ва этика қўмитаси ташкил этилиши мумкин.

### **13-боб. Жамиятнинг Ижро органи**

13.1. Жамият кундалик фаолиятини раҳбарлик қилиш ваколати ягона Ижроия органи – Бош директор томонидан амалга оширади.

13.2. Бош директор акциядорларнинг умумий йиғилишида уч йилгача муддатга сайланади.

13.3. Жамият ижроия органининг ваколатига жамиятнинг кундалик фаолиятига раҳбарлик қилишга доир барча масалалар киради, акциядорлар Умумий йиғилишининг ёки жамият Кузатув кенгашининг ваколат доирасига киритилган масалалар бундан мустасно.

13.4. Жамиятнинг ижроия органи акциядорлар умумий йиғилиши ва Жамият Кузатув кенгashi қарорларининг бажарилишини ташкил қиласди.

13.5. Жамиятнинг Бош директори Жамият номидан ишончномасиз иш юритади.

13.6. Жамиятнинг Бош директори ваколатларига қўйидагилар киради:

ушбу Устав ва Кузатув кенгашининг қарорига мувофиқ ўз ваколати доирасида Жамиятни бошқариш;

Кузатув кенгашининг розилиги билан унинг ишида тавсия этилган овоз бериш ҳуқуки билан иштирок этиш;

Жамият номидан ишончномасиз иш юритиш ва унинг манфаатларини ифодалаш ва битимлар тузиш;

Жамият Кузатув кенгashi билан келишган ҳолда, Жамият Марказий аппаратининг ташкилий-бошқарув тузилмаси ва штатлар жадвалини тасдиқлаш;

Жамият Кузатув кенгashi томонидан тайинланган (тасдиқланган) Бош директор ўринbosарлари билан меҳнат шартномаси тузади, келишув ва шартномалар шу жумладан, Жамият ходимлари билан меҳнат шартномаларини тузиш ва уларни бекор қиласди, ходимларга нисбатан рағбатлантириш чораларини ва интизомий жазоларни қўллайди;

Жамият номидан вакиллик қилиш ҳуқуки учун Ўзбекистон Республикаси Фуқаролик кодексида белгиланган тартибда ишончномалар беради, банкларда ҳисоб-китоб, валюта ва бошқа рақамларни очади;

Филиаллар ва ваколотхоналар раҳбарларини Жамият Кузатув кенгаши билан келишган ҳолда тайинлаш;

Жамиятнинг Марказий аппарат, филиаллари, бўлимлари ва бошқа алоҳида бўлинмалари ходимларининг меҳнатга ҳақ тўлаш тартиби ва миқдорини белгилайди;

Жамиятнинг барча ходимлари учун мажбурий бўлган буйруқлар чиқариш ва кўрсатмалар бериш;

Жамиятда бухгалтерия ҳисоби ва ҳисботларининг ташкил этилишини, тўғри ҳолати ва ишонччилигини, йиллик ҳисбот ва бошқа молиявий ҳисботларнинг тегишли органларга ўз вақтида тақдим этилишини, шунингдек Жамиятнинг фаолияти тўғрисидаги маълумотни акциядорларга, кредиторларга ва бошқа маълумотларни олувчиларга юборилишини таъминлаш;

Мазкур Уставда кўрсатиб ўтилган акциядорлар Умумий йиғилишининг ёки Жамият Кузатув кенгашининг ваколат доирасига киритилмаган Жамиятнинг кундалик фаолиятига таалуқли бўлган бошқа масалалар.

13.8. Жамият Бош директорининг ҳуқук ва мажбуриятлари тегишинча (мос равишда) Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуни ва бошқа қонун ҳужжатларида, Жамият Уставида ҳамда у билан бир йил муддатга тузиладиган шартномада белгиланиб, шартноманинг амал қилиш муддатини узайтириш ёки уни бекор қилиш мумкинлиги тўғрисида ҳар йили қарор қабул қилинади.

13.9. Шартнома жамият номидан жамият Кузатув кенгашининг раиси ёки Кузатув кенгаши ваколат берган шахс томонидан имзоланади.

13.10. Жамиятнинг Бош директори билан тузиладиган шартномада уларнинг жамият фаолияти самарадорлигини ошириш бўйича мажбуриятлари ҳамда жамиятнинг йиллик бизнес-режасини бажариш қандай бораётганлиги юзасидан акциядорларнинг умумий йиғилиши ва жамият Кузатув кенгаши олдида берадиган ҳисботларининг даврийлиги назарда тутилиши керак.

13.11. Бош директорнинг хизматларига ҳақ тўлаш шартлари жамият фаолиятининг самарадорлигига тўғридан-тўғри боғлиқ бўлади ва шартномада белгиланган бўлиши керак.

13.12. Жамиятнинг бош директори вазифаларини бошқа ташкилотларнинг бошқарув органларидағи лавозим билан биргаликда згаллаб туришга фақат жамият Кузатув кенгашининг розилиги билан йўл қўйилади.

13.13. Акциядорларнинг умумий йиғилиши ёки Жамият Кузатув кенгаши жамиятнинг бош директори билан тузилган шартномани улар шартнома шартларини бузган тақдирда тугатишга (бекор қилишга), агар Жамият Уставига кўра Кузатув кенгашига шундай ҳуқук берилган бўлса, ҳақли.

13.14. Кузатув кенгаши жамиятнинг Бош директори, жамият бошқарувининг аъзолари билан тузилган шартномани, агар улар жамият уставини қўпол тарзда бузса ёки

уларнинг ҳаракатлари (ҳаракатсизлиги) туфайли жамиятга зарар етказилган бўлса, муддатидан илгари тугатиш (бекор қилиш) хуқуқига эга.

#### **14-боб. Жамият фаолиятини назорат қилиш**

14.1. Жамиятнинг молия-хўжалик фаолиятини назорат қилиш учун Жамият Уставига мувофиқ акциядорларнинг Умумий йиғилиши томонидан бир йил муддатга таркиби 3 кишидан иборат тафтиш комиссияси сайланади.

14.2. Жамият тафтишчисига ёки тафтиш комиссияси аъзоларига доир малака талаблари акциядорларнинг умумий йиғилиши томонидан белгиланади. Айни бир шахс Жамиятнинг тафтиш комиссияси таркибига (тафтишчиликка) кетма-кет уч мартадан ортиқ сайланиши мумкин эмас.

14.3. Жамият тафтиш комиссиясининг (тафтишчисининг) ваколатлари доираси Ўзбекистон Республикасининг “Акциядорлик жамиятлари ва акциядорларнинг хуқуқларини ҳимоя қилиш тўғрисида” қонуни билан белгиланади.

14.4. Жамият тафтиш комиссиясининг (тафтишчисининг) фаолият кўрсатиш тартиби акциядорларнинг Умумий йиғилиши томонидан тасдиқланадиган уставда белгиланади.

14.5. Жамият тафтиш комиссиясининг (тафтишчисининг) ёзма талабига кўра Жамият ижроия органида мансабни эгаллаб турган шахслар Жамиятнинг молия-хўжалик фаолияти тўғрисидаги хужжатларни тафтиш комиссиясига (тафтишчига) тақдим этиши шарт.

14.6. Жамият тафтишчиси ёки тафтиш комиссиясининг аъзолари бир вақтнинг ўзида Жамият Кузатув кенгашининг аъзоси бўлиши, шунингдек айни шу Жамиятда меҳнат шартномаси (контракт) бўйича ишлаши мумкин эмас.

14.7. Жамиятнинг молия-хўжалик фаолиятини текшириш тафтиш комиссиясининг (тафтишчининг), акциядорлар умумий йиғилишининг, Жамият Кузатув кенгашининг ташаббусига кўра ёки Жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) талабига кўра Жамият Кузатув кенгашини олдиндан хабардор қилиш йўли билан бир йиллик ёки бошқа давр ичидаги фаолият якунлари бўйича амалга оширилади.

14.8. Активларининг баланс қиймати базавий ҳисоблаш миқдорининг юз минг баробаридан кўп бўлган Жамиятда ички аудит хизмати ташкил этилади. Ички аудит хизмати Жамиятнинг Кузатув кенгашига ҳисобдордир.

14.9. Жамиятнинг ички аудит хизмати Жамиятнинг ижроия органи, филиаллари, бўлимлар, бошқа алоҳида бўлинмалар ва ваколатхоналари томонидан қонун хужжатларига, Жамият Уставига ва бошқа хужжатларга риоя этилишини, бухгалтерия ҳисобида ва молиявий ҳисботларда маълумотларнинг тўлиқ ҳамда ишончли тарзда акс эттирилиши таъминланишини, хўжалик операцияларини амалга оширишнинг белгиланган қоидалари ва тартиб-таомилларига риоя этилишини, активларнинг сақланишини, шунингдек Жамиятни бошқариш юзасидан қонун хужжатларида белгиланган талабларга риоя этилишини текшириш ҳамда мониторинг олиб бориш орқали Жамиятнинг ижроия органи, филиаллари ва ваколатхоналари ишини назорат қиласи ҳамда баҳолайди.

14.10. Жамиятнинг ички аудит хизмати ўз фаолиятини, агар қонунда ўзгача қоида назарда тутилмаган бўлса, Ўзбекистон Республикаси Вазирлар Маҳкамаси томонидан белгиланадиган тартибга мувофиқ амалга оширади.

14.11. Аудиторлик ташкилоти Жамият билан тузилган шартномага мувофиқ қонун хужжатларида белгиланган тартибда Жамият молия-хўжалик фаолиятининг текширилишини амалга оширади ва унга аудиторлик хulosасини тақдим этади.

14.12. Аудиторлик ташкилоти Жамиятнинг молиявий ҳисоботи ва молияга доир бошқа ахборот ҳакидаги нотўғри хulosани ўз ичига олган аудиторлик хulosаси тузилганини окибатида етказилган зарар учун Жамият олдида жавобгар бўлади.

14.13. Давлат Устав жамғармасида (Устав капиталида) эллик фоиздан ортиқ улушга эга бўлган Жамиятларда аудитни ўтказиш учун аудиторлик ташкилотини танлаш давлат активларини бошқариш агентлиги ва Ўзбекистон республикаси Молия Вазирлиги томонидан белгиланган рўйхат бўйича танлов асосида амалга оширилади.

### **15-боб. Якунловчи қоидалар**

15.1. Жамият Уставида кўзда тутилмаган қоидалар Ўзбекистон Республикасининг “Акциядорлик жамиятлари ва акциядорларнинг хуқуқларини ҳимоя қилиш тўғрисида”ги Қонуни ва Ўзбекистон Республикасининг бошқа қонун хужжатлари талабларига мувофиқ белгиланади.

15.2. Ушбу Устав Ўзбекистон Республикаси қонун хужжатларида белгиланган тартибда давлат рўйхатидан ўтказилган пайтдан бошлаб кучга киради.



Прощito, пронумеровано и скреплено

печатью \_\_\_\_\_ ( 102 ) листов

Должность Менеджер

Подпись Михаил

« 20 » 06 2013 года М.П.



иүнөк информации изымнандаш истиханың инициалдары А.Н.А.  
Тимитиковт - жетекшілік аттынан тәмимж. шарттардың истиханасынан

иерте көзегет индивидуалдық жеке отырып ишина шаралып истиханасынан берген  
сүйнөк аттынан да икесеңдеги инициалдары А.Н.А.

иңбайынан жеке отырып ишина шаралып истиханасынан берген  
сүйнөк аттынан да икесеңдеги инициалдары А.Н.А.

иңбайынан жеке отырып ишина шаралып истиханасынан берген  
сүйнөк аттынан да икесеңдеги инициалдары А.Н.А.

иңбайынан жеке отырып ишина шаралып истиханасынан берген  
сүйнөк аттынан да икесеңдеги инициалдары А.Н.А.

1-бей Оригинал жеке отырып ишина шаралып истиханасынан берген

А.Н.А. жеке отырып ишина шаралып истиханасынан берген  
иңбайынан жеке отырып ишина шаралып истиханасынан берген  
иңбайынан жеке отырып ишина шаралып истиханасынан берген

иңбайынан жеке отырып ишина шаралып истиханасынан берген  
иңбайынан жеке отырып ишина шаралып истиханасынан берген